

Headline	Lebih banyak koperasi bantu pekebun kecil sawit		
MediaTitle	Utusan Sarawak		
Date	15 Nov 2019	Color	Black/white
Section	EKONOMI	Circulation	37,981
Page No	35	Readership	113,943
Language	Malay	ArticleSize	162 cm <sup>2</sup>
Journalist	N/A	AdValue	RM 964
Frequency	Daily (EM)	PR Value	RM 2,892



# Lebih banyak koperasi bantu pekebun kecil sawit

**KUALA LUMPUR:** Kementerian Industri Utama menerusi Lembaga Minyak Sawit Malaysia (MPOB) merancang untuk mewujudkan lebih banyak koperasi untuk kalangan pekebun kecil komoditi itu.

Menterinya, Teresa Kok Suh Sim berkata ini bertujuan menggalakkan mereka untuk menambah kecekapan pengurusan tanaman itu selain meningkatkan pendapatan menerusi pelaksanaan Revolusi Perindustrian 4.0.

"Bagaimanapun, perancangan rapi perlu dilakukan bagi melihat bagaimana kita dapat menyepadan kawasan-kawasan (terbabit) dan sama ada pekebun kecil ini sudah bersedia memandangkan kebanyakannya daripada mereka semakin berusia.

"Kita memerlukan lebih

banyak sesi bimbingan dengan pekebun kecil, MPOB dan Kementerian Pertanian dan Industri Asas Tani untuk melihat kaedah bagi perubahan lebih banyak koperasi ini," katanya.

Beliau berkata demikian kepada pemberita selepas menyampaikan ucapan tama di Sidang Kemuncak AgriTech (Teknologi Pertanian) Global 2019 (GATES 2019) di sini, semalam.

Sejumlah 10 koperasi telah ditubuhkan menerusi MPOB dengan dana permulaan sebanyak RM100,000 bagi setiap satunya diberikan oleh kerajaan, kata beliau.

"Namun, impak daripada koperasi itu masih belum dapat dipastikan setakat ini dan kita akan melihat bagaimana ia dapat beroperasi. Kita juga mungkin boleh mena-

rik penyedia teknologi untuk turut serta dan bekerjasama dengan memperkenalkan teknologi dan aplikasi yang bersesuaian," kata Kok.

Mengulas langkah Malaysia untuk mengemukakan aduan kepada Pertubuhan Perdagangan Dunia (WTO) bulan ini bagi mencabar sekatan Kesatuan Eropah (EU) terhadap biobahan api sawit, Kok berkata perkara itu terpaksa ditangguhkan sehingga awal tahun depan susulan isu Brexit ketika ini.

"Tidak semua pesuruhjaya EU telah mengangkat sumbah selepas pilihan raya pada Mei lepas. Oleh itu lebih memadai jika perkara itu dan undian di United Kingdom (bagi meleraikan kebuntuan membabitkan Brexit) selesai pada Disember nanti," katanya. – BERNAMA